

**CONVOCATORIA DE PROBA PARA UN CONTRATO EN PRÁCTICAS NA
CATEGORÍA LABORAL AXUDANTE DE REALIZACIÓN EN TELEVISIÓN
DE GALICIA, S.A.**

CATEGORÍA LABORAL

Axudante de realización.

EMPRESA

Televisión de Galicia, S.A.

TIPO DE CONTRATO

Contrato en prácticas

DEFINICIÓN DE CATEGORÍA LABORAL AXUDANTE DE REALIZACIÓN

Ten demostrada capacidade e coñecementos suficientes de realización audiovisual. Axuda ó realizador na elaboración dos programas, ben sexan filmados, gravados ou en directo.

Ten coñecementos técnicos, artísticos e operativos dos medios e recursos que afecten directamente á realización de programas.

Executa calquera función que se lle asigne, sempre dentro da súa categoría. Mestura as diversas fontes de imaxe, axuda en plató comunicando ordes e previndo a continuidade do programa, executa todo tipo de minutos, desagregación de guiños, concreción do programa de traballo, asiste ós ensaios e axuda na posta en escena.

REQUISITOS

Posuír Ciclo Superior de Realización de audiovisuais e espectáculos.

Por ser contrato en prácticas, non deberon transcorrer máis de cinco anos desde a obtención do/s título/s requirido/s, seis no caso de minusvalía por riba do 33% (RD Lexislativo 1/1995 modificado por Lei 12/2001, e RD 488/1998, e RD 10/2010).

Os/as aspirantes deberán posuír os requisitos académicos expostos antes da data de finalización de inscrición neste proceso. O tribunal pode solicitar a acreditación dos requisitos durante este proceso de selección.

Os aspirantes deberán cumprir coa normativa vixente respecto ás esixencias para poder traballar en España. Para a presentación a esta proba deberán traer o DNI ou outro documento acreditativo da súa personalidade.

TRIBUNAL

Natalia López Rey, axudante de realización de TVG (presidenta)
Antonio Pedro Girón Sánchez, axudante de realización de TVG
Rosa Castro Legazpi, lingüista de TVG
Paulino Novo Folgueira, Xefe de Formación, Selección e Coordinación Lingüística (secretario).

PRINCIPIOS DE ACTUACIÓN DO TRIBUNAL

Os membros de tribunal comprométese a garantir os principios contitucionais de igualdade, mérito e capacidade, ademais dos de publicidade e transparencia. Igualmente se comprometen a garantir o segredo das probas.

Os membros do tribunal reciben copia do art. 28.2 da Lei 30/1992, de 26 de novembro, do Réxime xurídico das Administracións Públicas e do procedemento administrativo común.

Os membros do tribunal asinarán declaración de non atoparse incursos en ningún dos motivos previstos de abstención ou recusación unha vez se publique a listaxe de inscritos.

INSCRICIÓN

Para a inscrición, os/as aspirantes deberán entregar en Recursos Humanos da CRTVG da súa sede en San Marcos ou enviar ó enderezo proceso.seleccion@crtvg.es un *curriculum vitae* indicando que é para esta proba e facendo constar, se se posúen, o requisito académico e o certificado CELGA 4. O período de inscrición remata o 5 de xuño de 2013, ás 12:00 h.

Os requisitos académicos solicitados deberanse posuír con data non posterior á de remate de inscrición a este proceso de selección.

PROBA

Á proba poderanse presentar os/as aspirantes que figuren na listaxe definitiva de admitidos.

A proba será o 13 de xuño de 2013, na sede da CRTVG en San Marcos, Santiago, ás 10:00 h. Os aspirantes deberán estar a esta hora na entrada das instalacións da CRTVG.

FUNCIONES DO TRIBUNAL

A asesora lingüista encargarse de poñer a proba de coñecemento de lingua galega e de valorala en exclusividade. O resto de membros do tribunal encargaranse de poñer as

probas de desenvolvemento teórico e práctico, e de puntuacións. O secretario non participará na elaboración das probas nin as puntuacións.

Acordan publicar esta convocatoria e as seguintes publicacións do proceso na internet da CRTVG (www.crtvg.es/crtvg/oficina/emprego-e-practicas/ofertas-emprego) e na páxina de FP da Xunta de Galicia.

Os/as aspirantes con discapacidade cun grao de minusvalía igual ou superior ó 33% deberán facer constar na inscrición se precisan de adaptación de tempo e medios para a realización da proba.

O tribunal garantirá a adaptación que se considere necesaria para a participación nas probas en condicións de igualdade a aspirantes que padezan algunha discapacidade igual ou superior ó 33%, se for o caso.

Os aspirantes deberán cumprir coa normativa vixente respecto ás esixencias para poder traballar en España. Para a presentación a esta proba deberán traer o DNI ou outro documento acreditativo da súa personalidade.

PROBAS

A valoración de coñecementos farase a través de:

- Proba tipo test (30%). Sen penalización por pregunta mal contestada.
- Proba práctica. Terá dúas partes:
 - Escrita (35%).
 - Con equipos de audiovisual (35%).
- Proba de lingua galega.

A proba teórica consistirá nun cuestionario tipo test sobre as seguintes materias:

- Coñecementos básicos de tv.
- Linguaxe e narrativa audiovisual.
- Teoría e técnica da realización.
- Teoría e técnica da montaxe.
- Procesos e medios técnicos en tv.
- Funcións e competencias do axudante de realización en tv.

As probas prácticas consistirán:

Escrita. En desenvolver supostos relacionados con funcións desta categoría laboral.

Con equipos de audiovisual. En operar con equipos técnicos propios das tarefas descritas na definición desta categoría laboral.

PROBA DE COÑECEMENTO DE LINGUA GALEGA

Os aspirantes que acrediten a posesión do certificado CELGA 4 non terán que realizar a proba de coñecementos de lingua galega. A proba de coñecementos de lingua galega terá un grao de dificultade consonte ó programa do certificado CELGA 4, e as súas cualificacións serán unicamente de apto ou de non apto. Para ser apto, deberanse responder correctamente o 50% das preguntas. A cualificación de non apto significará a exclusión do proceso.

CRITERIOS PARA RESOLVER EMPATE

En caso de empate, habendo nesta categoría laboral infrarrepresentación do sexo feminino, seguiranse, por esta orde, os criterios de desempate: 1) A favor da aspirante de sexo feminino. 2) A favor do/a aspirante que tivese maior puntuación na proba práctica. 3) A favor do/a aspirante de maior idade.

PROTECCIÓN DE DATOS

Aos efectos do disposto na Lei Orgánica 15/1999, de Protección de Datos de Carácter persoal, informámolo de que os datos dos participantes no presente proceso selectivo serán incorporados nun ou varios ficheiros, titularidade da **COMPAÑÍA DE RADIO-TELEVISIÓN DE GALICIA (CRTVG)** e das súas sociedades **TELEVISIÓN DE GALICIA, S.A.** e **RADIOTELEVISIÓN DE GALICIA, S.A.**, con sede en Bando – San Marcos s/n, 15820 Santiago de Compostela, onde os seus titulares poderán exercer os dereitos de acceso, rectificación, cancelación e oposición dirixindo ao Servizo de Informática solicitude asinada por escrito xunto cunha fotocopia do seu DNI.

A finalidade do tratamento dos devanditos datos, incluídos no seu caso os relativos á saúde, é a xestión do rexistro de solicitudes, a cualificación das probas que poderían comportar a captación de imaxes mediante gravacións, a avaliación dos candidatos e a confección do banco de datos para este ou futuros procesos selectivos, segundo o especificado no convenio colectivo vixente. Así mesmo, os datos básicos identificativos dos participantes poderán ser comunicados mediante a súa exposición nos taboleiros de anuncios e na web corporativa da CRTVG aos efectos de dar a publicidade esixida ao procedemento de contratación, así coma aos representantes dos traballadores e aos organismos públicos competentes.


Ós/ás aspirantes daráselles unha folla de consentimento de tratamento de datos.

ACCESO Ó POSTO DE TRABAJO

Os aspirantes seleccionados deberán presentar no momento da sinatura de contrato a acreditación dos requisitos esixidos, con copia compulsada dos títulos ou certificados académicos.

Os/as aspirantes deberán posuír a capacidade funcional necesaria para o desempeño das funcións que se deriven do correspondente contrato laboral. Só para estes efectos, a Compañía de Radio-Televisión de Galicia poderá esixir ós aspirantes seleccionados someterse a recoñecemento médico realizado polo servizo médico da empresa.

En Santiago de Compostela, a 27 de maio de 2013.



Asdo.: Paulino Novo Folgueira
Xefe de Formación, Selección e Coordinación Lingüística